



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

5 Quo ordine teneantur isti in solidum restitutionem facere.

[urn:nbn:de:hbz:466:1-72459](#)

docet Adrianus qu. 1. de restit. Siluest. Restitut. 3. qu. 6. §. Quartum, Nauarrus c. 17. num. 21. & alij. Ratio est; quia tunc quisque solùm est causa partis damni, quam ipse per se dedit, non autem totius, aut partis, quam aliud fecit. nisi fortè alium impulerit, vt citius aut alacrius ficeret, aut nisi se vi-cissim permouerint vel animarint: sicut quando tres vel quatuor milites se mutuo excitant ad aliqui damnum inferendum: tunc enim singuli censemur causa totius damni, hoc tamen ordinariè non accidit, nisi inter paucos.

³⁷
Miles gregarius.

Hinc fit, vt miles gregarius non teneatur nisi de damno, quod ipse per se in bello iniquo dedit: non autem ad totum illius bellii; (quod eit contra Couart. reg. Peccatum, 2. patt. §. 12. n. 2. & Iosephum Angles in 4. difficultate 10. de restitut. ex bello.) quia totius damni causa non fuit, sed dumtaxat sua partis, vt recte Siluest. v. Belli. 1. q. 10. §. Sexta. & Nauarr. n. 22. Nec obstat, quod singuli iuuerint ad iniquam expugnationem, & ingressum in vrbum; quia solùm iuuerunt faciendo partem suam; non autem procurando vt alij suam in illo damno ficerent, aut vt yrbum expugnarent, vnde sicut iste non est causa damni, nisi ratione partis quam ipse intulit; ita non tenetur ad restitut. nem, nisi pro sua parte. Sicut enim totus exercitus est causa totius damni, ita singuli sua tantum partis, nisi alia ratione alios iuuerint vel incitauerint. Dux tamen tenetur ad totum, quod per milites illicitum est, quia vel eos ad hoc direxit, vel si non direxit, saltet tenebatur ex officio impide.

Petes, Quid si dubium sit, an alios tuo consilio vel laude permoueris?

³⁸ Resp. Communis ferè sententia Doctorum est, te non teneri, quia melior est conditio possidentis. Cur enim tantum onus in te suscipias, si dubitas an causa damni fueris? debet ergo moraliter esse certum. Idque locum habet in omni casu in quo dubitatur an causa damni fueris, si post diligenter inquisitionem dubium manet. Ita docet Silvester suprà q. 6. in principio, vbi dicit esse sententiam communem; & Petrus Nauarra lib. 3. c. 4. n. 58. Ioannes Medina C. de Restit. q. 7. & multi alij. & faver aperte S. Thomas q. 6. t. art. 7.

Sed contrarium docet Thomas Sanchez lib. 2. de Matr. disp. 41. n. 17. cù Couar. Clem. Si furiosus. 2. p. §. 2. n. 1. & multis Iurisperitis. Idem docet in Summa lib. 1. c. 10. n. 44. Ratio ipsius est, quia cum dubio nemo prasumatur delictum admisitrus, L. Meritò. Pro socio, in hoc dubio an absq; meo consilio Titius esset perpetratus, prasumendum est non suisse perpetraturum; ac proinde ipsum meo consilio suisse impulsum ac determinatum ad facinus. quae sententia videtur verior, quando revera plane erat dubium, an sine meo consilio vel laudatione fuisset facturus. Secùs si in eo tales erant dispositiones, vt merito possit prasumi per se facturus. Vide infrà c. 27. dub. 3. num. 13.

D V B I T A T I O . V .

Quo ordine teneantur isti in solidum re-stitutionem facere.

³⁹
Is ad quem res perue-nit.

O Missis variis sententiis, Respondeo, Si ali-quid ablatum sit, Primo loco & ante omnes tenetur is, ad quem res furtiva peruenit; siue extet

in specie, siue non extet, si tamen inde factus sit ditor. Ratio est, quia hic obligatur ratione rei acceptæ, qua obligatio est summa: nam res aliena, quamdiu extat in specie, per se debetur, semperque clamat, vt dici solet. Si consumpta sit, vel consumpta est bona fide ab eo qui ignorabat esse furtiuam, & sic non tenetur, nisi quantum ex ea factus est ditor: vel consumpta mala fide, sciens esse alienam, vel certè dubitans; & sic tenetur restituere premium; quia quod consumpsit eam mala fide, non liberat eum, quin primo loco teneatur, perinde ac si extaret, alioquin noua illa iniuria liberaret eum à restitutione. cùm enim ipse ex ea re commodum sciens & volens perceperit præ reliquias, par etiam est, vt præ alis quoque veniat in onus restitut. Si aliquis ex sociis damnum compensauerit, illi restituenda est res illa vel premium eius, non domino; quia in ius domini succedit. Vide Caetanum q. 62. art. 6. & Couar. reg. Pecatum, p. 2. §. 12.

Dubium tamen est, An is qui bona fide rem furtiuam emit, possit eam furi restituere, vt pre-
⁴¹ Qui bona
fide emis-
tura. recuperaturus, de quo infrà cap. 14. dubit. 3. Si ve-
rò nihil ablatum sit, sed tantummodo damnum irrogatum, primo loco tenetur is qui coegerit, vel ⁴² ti, qui pri-
fraude induxit, vel qui imperavit, cui alter non ^{mo} tenen-
fuit ausus contradicere: vt si Dux impereret militi tur.
vt occidat, incendat, spoliat: si quis persuadeat id esse licitum, si coniunctis impellat. Ratio est; quia hic iniustè connicet alterum in obligationem resti-tutionis. vnde si hic restituit, executor, vel is qui hoc modo inductus est in maleficij societatem, non tenetur quidquam ei refundere; quia hic in-ductor totum debet compensare. Pari modo tene-
tur primo loco qui suo nomine fecit, vel rogauit
⁴³ Qui sua
causa sua-
fit. fieri, vel suscit. Primò, quia es cuius nomine fit, est causa principalis, quæ instar finis & efficientis moralis mouet ceteras: ergo tenetur ante ceteras. Secundò, quia qui commodi vel honoris, vel oblectamenti sui causa cupit fieri maleficium, im-plicitè hoc ipso censetur in se totum onus resti-tutionis suscipere. Par enim non est, vt onus & obli-gationem maleficij in alios reiiciat, qui sua causa illud fieri postulat, vt si roges Petrum vt interficiat tuum inimicum. in hoc calu vera est sententia Ca-
ietani, Soti & Bañesi, qua affirmant, eum, qui alios induxit, teneri primo loco; & inductos non teneri illi quidquam refundere.

Aduerte tamen, esse quamdam sententiam, quam Petrus Nauarra l. 3. cap. 4. num. 101. & sequenti-bus, multis rationibus confirmare nititur: nempe, hunc non teneri primo loco, quin executor & alij teneantur suas partes conferre, eis minores, v.g. damnum sit 6. aureorum; is qui iusfit suo no-mine fieri, tenebitur in restitut. conferre 3. executor 2. laudator 1. Ratio præcipua est, quia omnes isti verè concurrunt ad damnum inferendum: ergo etiam concurre-re debent ad restitu-tionem. Quæ sententia non est improbabilis, maxi-mè quando executor mercedem habuit pro male-ficio. tunc enim etiam suo nomine fecisse videtur. Contrarium tamen puto esse verius; quia qui ma-leficium sua causa fieri cupit, censetur etiam onus restitut. in se recipere.

Secundo loco tenetur executor, quatenus est ⁴⁴ Executor,
secundo lo-
co: ceteri.
qui post hunc.

Tertio loco, ceteri qui consilium dederunt,

qui consenserunt, qui laudauerunt vel animauerunt, qui præbuerent recursum, & qui praefitterunt obsequium, instrumenta, comitatum. Probatur; quia executor, post eum qui iussit, vel suo nomine fieri voluit, est principalis; ceteri vero sunt causa accessoriæ & secundariæ, fulcientes, & quodammodo seruientes executorum. quod enim faciunt, non sua causa faciunt, sed ut ipsum instruant & armentum, alius enim ostendit viam perficiendi, alius utilitatem, alius laudem promittit, alius securitatem, alius obsequium & instrumenta præbet.

45
Si executor
restituerit.

Vnde sequitur Primo. Si executor restituerit, hos nihil teneri ipsi refundere; quia tenentur solum in eius defectum. quamvis, ut ante insinuui, non sit improbable, quod ceteri teneantur illi ad aliquid refundendum, si ipsum induxerunt, alias non facturum, & ipse non sua causa executus est. Ita enim teneri Caeteranus q. 62. art. 6. ad tertium agit. Bañes ibidem art. 7. & Sotus lib. 4. qu. 7. art. 3. vbi etiam dicit, Si auctor non intentaret malum, nisi comitus sociis, socij teneantur ei restituere. Ratio illorum est; quia qui indicunt aliquem ad maleficium, sunt causa cur ille incurrit obligationem restitutio[n]is: similiter qui comitantur eum, qui alias non auderet. Sed quod diximus est verius. quamvis enim sint executori causa vel occasio mali, tamen quia nulla vi vel fraude illum inducunt, non tenentur ipsi ratione huius inductionis, neque consententur obligationem in se recipere; quia non sua causa fieri volunt.

46
Quia si no-
luerit vel
non value-
rit.

Sequitur Secundo. Si executor noluerit, vel non potuerit restituere, teneri istos: quia succedunt in defectum executoris; sicut executor in defectum iubentis.

Sequitur Tertiò. Si isti soluerint, executorem (secundum veriorem sententiam) teneri illis refundere totum. Ratio est: quia soluendo successerant in ius, quod dominus habebat in executorem qui prius tenebatur. Vnde sicut executor debuisset soluere domino ante ipsos; ita tenebitur ipsi soluere, qui ius domini in se transfuerunt, soluendo loco executoris: sicut si fidei ius, qui secundo loco tenetur, soluat, transfert in se actionem domini, quam habebat in principalem debitorem. Pari modo, si executor soluerit, tenebitur ei ius, vel is qui causa sua fieri voluit. vide de his Siluestrum Restit. 3. q. 6. §. Quintum, vbi pro hac sententia citat D. Thomam, Rosellam, & Supplum. Idem docet Couarr. ad regulam Peccatum, p. 2. §. 12. num. 3.

47
Si omnium
nomine fa-
tum est.

Sequitur Quartò. Si executor nomine omnium executus est facinus, omnes simul teneri primo loco; quia illorum causa factum est, & illi, in hoc contendo ut sic fieret, tacite in se receperunt obligationem. executor autem, quia executor, tenetur secundo loco; quamvis ut unus illorum, quorum nomine factum est, teneatur primo loco. Itaque si ipse restituerit in solidum, reliqui tenentur ei conferre suas partes: ita tamen ut ipse quoque pro sua parte in compensationem veniat, non ut executor, sed ut unus illorum, quorum nomine factum est. v.g. totum damnum sit 100. aureorum: omnes quorum nomine factum, comprehendere executorem, sint 10. reliqui nouem debent ei singuli 10. aureos.

DUBITATIO VI.

Vtrum inter causas secundarias, quae tenentur post executorem, videlicet inter consultorem, consentientem, animantem, receptatorem, & subministratorem, sit aliquis ordo in restituendo.

Petrus Nauarra lib. 5. c. 4. num. 81. ponit inter has causas ordinem aliquem. Ratio ipsius est: nam illa prior tenetur, quia prius & immediatus effectum attingit: atque inter has alia prius & magis attingit, alia posterius & minus; alter enim attingit consultor, alter laudator, alter receptor. Idem docet Alcocer in Summa c. 21. vbi Primo loco dicit teneri imperantem & consentientem. Secundo, executorem. Tertio, receptatorem. Quarto, qui non impediunt, cum ex officio teneantur. Quinto, custodem specialiter deputatum. Sexto, qui tacuerunt, ut testes iuridicè interrogati.

Sed verius est, non esse inter has causas secundarias ordinem tamē, qualis est inter principalem & secundariam, ita ut una soluente, reliqua manent liberae: sed in defectum principalis, omnes ha causæ videntur teneri æque primo, sic tamen ut alia ad plus, alia ad minus teneantur. Ratio est,

Non est
ordo inter
has causas.

quia una non est operata ad damnum, tamquam instrumentum alterius, vel alterius nomine, sed quæque per se in suo ordine. laudans enim non ferunt consentienti vel constitenti, nec eius nomine agit, neque contraria, ut suppono. (Si enim ponamus aliquem ex his alterius nomine agere, non tenebitur ille æquè primò, sed secundariò & in defectum illius cuius causa egit, ut dictum est, quia ille in se suscipit obligationem.) Itaque æquissimum videtur, si executor non restituat, ut isti omnes in locum eius immediate succedant, & teneantur pro rata portiones conferre, maiorè quidem is, qui magis videtur executorem mouisse; minorem, qui minus, vnde is, qui est causa sine qua damnum non fieret absolute, plus tenetur conferre quam is qui solum est causa sine qua non fieret tali modo, id est, ita celeriter, audacter vel atrociter. Ex quo ulterius sequitur, quod plus interdum teneatur conferre consilens, quam receperint vel consentiens; & interdum contra, prout executor magis vel minus ab hac velilla causa motus fuit. Et hoc videtur yelle Petrus Nauarra. nihil enim aliud probat eius ratio: omnes enim mediatis & secundariis attingunt effectum, (non una mediana altera, ut instrumentum alterius) quamvis alia efficiatis alia. Vnde solum sequitur, aliam plus debere in restituzione, aliam minus, non autem prius vel posterius. alioquin si receptor restitueret, ceteri nihil tenerentur ei restituere. Ille autem ordo, quem ponit Alcocer, non probatur; quia nulla est ratio, cur receptor teneatur prior quam Superior consentiens; aut consultor, prior quam receptor. Imo si quis ordo ponendus sit, post executorem, prior teneri videbitur Superior consentiens, quam consultor vel receptor; quia ille tenebatur etiam ex officio impedire, vnde dupli ex causa tenetur, & quia consentit, & quia non impedit.

50

51